

VIJEĆE MINISTARA BOSNE I HERCEGOVINE

Na osnovu člana 8. stav 1., člana 27. st. 8. i 11., člana 32. stav 1., člana 33. st. 1., 4. i 5, člana 36., člana 51. st. 36., 50. i 64. Zakona o veterinarstvu u Bosni i Hercegovini ("Službeni glasnik BiH", broj 34/02), a vezano za član 22. tačka a) Pravilnika kojim se utvrđuju mjere za sprječavanje, kontrolu i iskorjenjivanje transmisivnih spongiformnih encefalopatija ("Službeni glasnik BiH", broj 25/11) i člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), na prijedlog Ureda za veterinarstvo Bosne i Hercegovine, Vijeće ministara Bosne i Hercegovine, na 47. sjednici održanoj 25. aprila 2013. godine, donijelo je

**PRAVILNIK
O METODAMA UZORKOVANJA I ANALITIČKIM METODAMA ZA PROVEDBU SLUŽBENIH
KONTROLA HRANE ZA ŽIVOTINJE**

Član 1.

(Predmet)

Ovim Pravilnikom se propisuju metode uzorkovanja i analitičke metode za provedbu službenih kontrola hrane za životinje.

Član 2.

(Način uzorkovanja)

Uzorkovanje za službenu kontrolu hrane za životinje vezano za određivanje sastojaka, dodataka hrani za životinje i nepoželjnih supstanci, osim ostataka pesticida i mikroorganizama provodi se u skladu s metodama iz Priloga I. ovog Pravilnika.

Član 3.

(Priprema uzoraka)

Priprema uzoraka za analizu i prikaz rezultata provode se u skladu s analitičkim metodama iz Priloga II. ovog Pravilnika.

Član 4.

(Metode analiza)

Analiza za službenu kontrolu hrane za životinje provodi se metodama navedenim u:

- a) Prilogu III. ovog Pravilnika - Analitičke metode za kontrolu sastava krmiva i krmnih smjesa,
- b) Prilogu IV. ovog Pravilnika - Analitičke metode za kontrolu količine odobrenih dodataka hrani za životinje,
- c) Prilogu V. ovog Pravilnika - Analitičke metode za kontrolu nepoželjnih supstanci u hrani za životinje i
- d) Prilogu VI. ovog Pravilnika - Analitičke metode za određivanje sastojaka životinjskog porijekla za službenu kontrolu hrane za životinje.

Član 5.

(Energetska vrijednost za perad)

Energetska vrijednost krmnih smjesa za perad izračunava se u skladu s Prilogom VII. ovog Pravilnika.

Član 6.

(Nedopušteni dodaci)

U svrhu potvrđivanja prisutnosti nedopuštenih dodataka u hrani za životinje koriste se analitičke metode za kontrolu iz Priloga VIII. ovog Pravilnika.

Član 7.

(Prilozi)

Prilozi od I. do VIII. štampani su uz ovaj Pravilnik i njegov su sastavni dio.

Član 8.

(Prestanak važenja drugih propisa)

Stupanjem na snagu ovog Pravilnika prestaju se primjenjivati odredbe Pravilnika o metodama uzimanja uzoraka i metodama fizičkih, liemijskih i mikrobioloških analiza stočne hrane ("Službeni list SFRJ", broj 15/87), osim odredbi propisanih u čl. 25. i 26. i tačkama 2., 3., 4., 5., 8., 10., 11., 13., 14., 15., 20., 21., 22., 23., 24., 25., 26., 27., 28., 30., 32., 35., 39., 40., 43., 44., 45., 46., 47., 48., 49., 50., 51. i 52. člana 29. Pravilnika o metodama uzimanja uzoraka i metodama fizičkih, hemijskih i mikrobioloških analiza stočne hrane.

Član 9.

(Stupanje na snagu)

Ovaj Pravilnik stupa na snagu 01.01.2014. godine i objavljuje se u "Službenom glasniku BiH".

VM broj 185/13

Predsjedavajući Vijeća ministara BiH **Vjekoslav Bevanda**, s. r.

25. aprila 2013. godine, Sarajevo